

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوئیه

قبول او انورد

درج ایدیه من آثار اعاده او انورد

دین، فلسفه، علوم، حقوق، ادبیات و سیاسیات و باطخاصه کرب سیاسی و کرب اجتماعی و مدنی احوال و مشور و اسلامیه و در بحث ایدر و هفته ده بر نشر انورد.

آبونه بدلی

سنه لکی

التی آیلنی

ممالک عثمانیه ایچون	۸۰	۴۰	غروش
روسیه	۶۰۵	۳۰۵	روبله
سائر ممالک اجنبیه	۱۷	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۷۷

۱۴ صفر اخیر ۳۲۸ پنجشنبه ۱۱ شباط ۳۲۵

اوچنچی جلد

سنکله برابر کلیر و بر مقبره اوزرنده جانلانه رق رفیق ایمان و وجدان اولور و ایشته اومسعود دمدنه انظار اشتیاقم دها لطیف برعالمه معطوف بولنور! کل، آرتق کل، کلده بنی بو علائق و سلاسل جسمانیه دن قورتار. کل، قیانونب قالدیغیم محبسی آج، کل، بکا قنادلریکی اعاره ایت نهدن جیکیورسین؟ کوریلیورکه، نقطه ازل و ایدم؛ مدار منشأ و معادم اولان بو ستاره مجهوله طوغری بنم متعازم، بنم متمایل بولمقلغم مقتضی.



بنی اوستارهدن کیم اوزاقلاشدیردی؟ اورابطه دن کیم آیردی؟ بن نهیم؟ ونه اولمقلغم اقتضا ایدر؟ اولمک اوزره بولنیورمده هنوز طوغمق نه دیمک اولدیغنی بیلمیورم. عقل نامه مهمسام اولان ای ندیم روح و ناپیدا؛ سندن استیضاحاتمده پک بی سود، بکا افاضه حیات ایتزدن اول جلوه کاهک هانکی سما ایدی؟ هانکی قدرت، نه کی بر اراده سنی بوی ثبات کره یه فیرلادوب آتیوردی؟ سنی بو محبس طین آلوده قاپایان فصل برالدر؟ نه درلو روابط حیرت افزا، نه کی مناسبات خفیه اجسامی سنکله، سنی اجسام و ابدان ایله برلشدیردی؟ روح، هانکی کون مادیاتدن تجرد ایله جک؟ هانکی بر لانه صفا و کاشانه سعادت بخشا ایچون ارضی ترک ایده جکسین؟ هرشی اونوتدکی؟ مقبره سکونه چکیلوبده یکیدن حیاته مظهر اولدیغک زمانده می بویه نسیان ایچنده بولنه جقسین؟ کچیره جکک دوره ثانیه حیات ینه بونک غینیمی اوله جق؟ یوقسه آغوش ابدیته، منبع و موطنکه رجعتله علائق فانیه نک هر درلوسندن سر آزاد و حقوق ابدیه که نائلتله مطلبکجه کامران و ذوقیاب اوله بیله جکمیسین؟



هدف آمالی ادواق دنیویه و نفسانییه معطوف و مقصور و او اساس اوزرینه موضوع اولان حکیم یونانی (اپیکور) فلسفه و مسلکینه تابع بولناتلر، بومسئلهده شویله بر فریاد قویاره جقلردر: «نه واهی امید! تدقیق طبیعتنه نفسنده آز چوق قدرت حس ایدن بر مخلوق؛ دماغ نامه وجود بشرک بر نقطه سنه کیزلشمش بر چیزکی کورده بیلیر؛ عقل دینیلن جوهر ایسه اوشکل و خطک طرز نمویدر. بویه برشینمی آلدانیور، مغرور اولیورسین؟ نه جنت! بر کره اطرافکه باق؛ هر ابتدا ایچون براتها؛ هر انکشاف ایچون بر فنا محقق. هرشی بر غایتته متوجه، هرشی اولمک ایچون طوغبور. خضارتی صفرته تحول ایدن چنزارده چیچکلرکه ده صاراردیغنی کوریورسین؛ شو اورمان ایچنده هر ساقندن، هر ورقدن حیاتک جریانی کوزه چارپان جسم آغاجلرک؛ سنه لک ثقلت و تهاجته تاب آور اوله میهرق صوکنده چورویوب قورودقلری، خاک و کساهه منقلب اولدقلری ده ایشته میدانده. بالنهایه انهارک قورودیغی، حتی سماواتک.. سماواتک ده بررنک اصفرار ازانه ایلدیکی آچیقدن آچینه منظورک اولیور.



اوت، زمانک بزی کیفیت نشأت و ظهورندن خبردار ایچدیکی بو ستار؛ کونش دیدیکمز بوجرم منیر بیله مائل انحطاط و زوال. فنایه انقلاب

ایدن انسانلرک خلا و سکونه مقر اولان طبقات سماویده کندیلری ایچون ابدی بر صبح سعادتک طلوعنه انتظار ایللری نه قدریه وده در؛ او آرادقلری کونی اصلا کورده میه جکلردر! باشند باشه اطرافکده حکمفرما اولان طبیعتده آچقجه کوریورسین که، اعصار اعصار اوزرینه، غبار غبار اوزرینه بیغلمش. زمان؛ دها اینک خطوده استناد ایتدیگک، کورندیکک شیئی ده هدر ایده جک. تکمیل موجودیتک تابوت نامه بر تخته پاره دن عبارت. بویه بر حالک نه سنه کووه نیلیر؟ بشریته خاص اولان بوجنت، حقیقنده مافوق. التخیلدر! زوالی انسان، عمق مقابرده یکیدن حیات بولاجغه قانع، اک صکره آتیه جفی کرداب فلاکت ایچنده محو و کمنام اوله جفی ملاحظه ایتیورده ابدیت تصورنده بولنیور!.



سزک بو ادعا و فریادیکزه بر دیگری ده شویله جواب ویره بیلیر: ای کره ارضه حاکم کچیمک ایسته بن حکما! بنی بو خطا ایچنده ترک ایدیگز؛ بن بودرلو بر حیاتی سویورم؛ بن امید وار اولمق ایسترم. ذاتاً پک ضعیف اولان عقول بشر، او درجه تشوشات و مغالطاته متحمل دکل. اوت، عقل بومرحلهده سکوت ایدر؛ فقط حس دینیلن خاصه ممتاز سزه اعطای جوابدن عاجز قالماز. کندی حساب و ملاحظاته کلنجه؛ اوزمان که پیش نظر امعانده تجلی ایدن بوی پایان طبقات سماوییه، هربری باشقه باشقه بررطریق ثابت تعقیب ایدن بواجرام مضیئیهی؛ فضاده حکمران اولان اثیرک تصادم و تماسیله اشایه ساری حیاتی شمول نگاه اعتبار ایلرم. اوزمان که، ارضک سامعه چک بر طراقه ایله رهین فنا وانهدام اولدیغنی ایشیدیرم. اوزمان که، کره دوارک شموسدن تباعدله حال انفرادده قالدیغنی، ابنای بشرک ابدی بر ظلام ایچنده کریان اولدقلری کوریورم. اوزمانده که، بو حزن انکیز و دهشت رسان مناظر دن نشانه اولمق اوزره هر طرفم بر هرج و مرج و خلا ایله، صدمات موت و خسران ایله محاط بولنور: بن ایشته اوزمان پابرزمین قیام اوله رق او حادثات مدهشه نک ایراث ایده بیله جکی خشیت قارش پک وزیه بر قلب و ایمان ایله اوبریغین انقاضه تحول ایدن عوالمک فوقنده ابدی بر فجرک طلوعنه انتظار ایتک، سرمدی بر سعادتک تجلیسندن امیدوار بولمق ایسترم.

خلیل ادیب

ارائه وارده:

محترم صراط مستقیمک کچن هفته کی نسخه سنده منتسبین فندن واصف مضایله منتشر و تاریخ اسلامیت اسمنده کی کتابدن بحثی متضمن مقاله ده مکاتب عالیه طلبه سنک حسیات و معلومات دینیه دن بی نصیب اولدقلرینه و «تاریخ اسلامیت» ی حسن تلقی و قبوله پک میال برماهیتده بولندقلرینه دائر بر فقره مصادف نظر حیرت اولدی. حسن نیتله حرکت ایتدیکی ظن اولنان محرر مقاله نک بواسناد توهمکاری سنی مکاتب عالیه طلبه سنک حسیات عمومیه سنه واقف اولمامسنه و احتیاط سز لفته

عطف ایلمکه برابر بوباید برایکی جمله سویله مک ایجاب ایدور:
برایکی فردک حرکتی ناصل بر هیئت اجتماعیه نك میزان مقاصدی
ولق ایجاب ایتزسه مکاتب عالییه منسوب بر، نهایت ایکی کشینک
تلقی دینده کی خطالری بیکلرجه فردک شخصیت معنویه سنی تمثیل
ایدن مکاتب عالییه نامی ایچون برشائیه اولاماز.

مکاتب عالییه طلبه سنی عموماً بوشائیه دن تبری ایدر و تعالی دین
خصوصنده اک قوی بر عنصر اولدیفنی واولاجفنی بیان ایله اسنادات
وتوهمات مسروده بی صورت قطیه ده رد ایلر.

مکاتب عالییه مداومینی نامنه

ابراهیم علاءالدین

آچیق مکتوب

صراط مستقیم واسطه سیله بلغرادده بیراقلی جامع شریفی خطیبی محمد
رمزی افندی حضرتلرینه :

السلام، ای فکر منور، ای حیات مجسمه صاحبی فاضل محترم!
ایلك دفعه اوله رق تورکجه خطبه او قومغه و تورکجه سویلیان اورا
اهل اسلامک قلوبنی تنویره و خطبه ده کی مقصد جلیلدن استفاده
ابتداره موفقیتکزی صراط مستقیمک یتیش دردنجی نسخه سنده کمال
فخر و مسارله او قودوم. بوباید کی همت دیندارانه لرینه مع التبریک تشکر
ایدرم. فقط اولباید کی تبشیراتکیزک اکیالتی یعنی ایلك دفعه مشروطیته
وزمانه موافق او قودو غیکیز تورکجه خطبه نك عیناً صورتی صراط
مستقیمده کورمک و قریرالین اولق امل مخصوصنده یم باقی و من الله
التوفیق.

احمد جاوید

مطبوعات صریحه :

معنویات عسکریه درسلی

عوامی تنویر و افاضه عرفان اسبابی تأمین بزم ایچون مسائل
حیاتیه دندر. بو وادیده آتیه جق هر آدمی عزیز وطننک بشارت
سلامتیدر. بتون امللریمیزی، مساعی مزنی بو غایه مسعوده بی تأمین
ایده جک اسبابی اعداد و تهیئه حصر ایتلی کیجه و کوندز بونک
ایچون چالیشملی یز. کچن نسخه لر مزده (ایشیق) رساله سنی مناسبیله
بو لزومی ینه موضوع بحث ایتیش، عوامک تهذیب معنویاتی عاشق
کرم حکایه لرندن، کور اوغلی مصالیرندن، قان قلعه سنی خرافه لرندن
بکله مه نك وطنه قارشنی نه درجه لرده عظیم بر جنایت اولدیفنی ایضاح
ایلیش ایدک.

(ایشیق) رساله سنی بو خصوصده تعقیبی اقتضا ایدن یولی تنویر
ایتدی. عوامه یازیله جق اثرلرده نه کی موضوعلر انتخابی لازم
کله جکنی کوستردی. فقط چه فائده اترك دائرة انتشاری آرزو
ابتدی کمز درجه لرده توسع ایده مدی. خیر و نفعی محدود بر محیطه
منحصر قالدی.

بو هفته ینه بو موضوعده قلمه آلتیش استفاده لی براترک انتشارینی

کورمکه بختیار اولوروز. اسمی سرنامه اتخاذا اولانان بو اثر
کزیده بر عسکر مرک محصول کلاک بدایع نویسیدر. فیضی بر
مؤسسه نك مربی عرفانی مکتب حرییه آلائی اوچنجی بلوک قوندانی
اولان مؤلف عمر فوزی بک اثرینی غایت ساده هر درلو تکلف
و تصنعدن آزاده بر اسلوب ایله یازمش و حق بعض تصویرلری سهل
ممتنع تعبیرینه بحق ماصدق اولمشدر. شو همتندن طولانی مؤلف
محترمی بتون صمیمیتزله تبریک ایدر ودها بوقیل نیجه نیجه آثار
نافعه بی کتبخانه ملییه اتخافه موفقیتلرینی الطاف الهیه دن تمی ایلرز.
اثر قرق درس اوزرینه مرتبدر. هر درس باشلو باشنه بر کنز
فضیلتدر. مؤلف الحاله هذه اک مهم احتیاجک تهذیب معنویات
اولدیفنی درین بر نفوذ نظرله تیقن ایتیش «معنویات عسکرک روحیدر»
دستورینی سرنامه مقال اتخاذا ایلشدر. ننه کیم مؤلف مقصوده ده
بواساسی تشریح ایدرک دییورکه «عسکرک روحی معنویاتدر، معنو-
یاتسز عسکر بر قالبدر. معنویاتی بوزوق بر عسکر ایسه مضردر.
افرادى حربه حاضر لاق اولا قوای معنویه سنی صکره قابلیت
مادی سنی احضارله اولور. چونکه مؤثر معنویاتدر «معنویات بر ملتک
ناظم سعادت اولدیفندن بو دستورک حکمی بتون افراد ملت حقنده
معتبردر. بالخصوص عثمانلی ملتی بر ملت مسلحه در. لدی الحاحه هر
فرد عسکر در. بناء علیه بالفعل وظیفه بی یاپانه هر زمان ایچون
یایمغه نامزد بولان آراسنده فرق یوقدر.

خواص؛ مکتسبات عرفانیه سنی سایه سنده معنویاتی تهذیبیه موفق
اولور. فقط زواللی عوام؛ فطری، خداداد اولان استعداد معالی سنی
تربیه و تنیه یه موفق اولیه رق بالعکس معنویاتی بیراتان زهرلی خرافه
و افسانه لک تأثیرات فجیعه متتابعه سنه زبون قالدق خسرال دنیا والا خره
سرینه مظهریتله محو اولور کیدر. بزم ایچون نه الیم بر نتیجه نه
مؤسف بر عاقبتدر که بیچاره لک معنویاتی تهذیب شویله طورسون
خدایی نابت بر حالدیه بیله محافظه یه موفق اوله میوروز. حاکمیت
ملیه بی آلفیدشلا دیغمز حالدیه افراد ملتی حائز بولندینی حقوق و وظائفی
فارق بر مرتبه یه اصعاد ایده میوروز. جعلی احوال دن، تقلیددن بر درلو
قورتیله میوروز. بودجه مزده کی معارف تخصیصاتمز حالا بر میلیون لیرایی
بوله مدی. وطنک هر گوشه سنده الا آن حاکم مطلق جهالتدر.
امید ترقی محضر دهشتنده دائماً لرزاندر. بو آجی حقیقتلری تأمل
ایتلی اعمال فکردن بر آن خالی قالماملی یز. زواللی عوام مزه، کو-
یلیر مزه آجیملی شاهراه ترقیه ایصال ایچون آنلره هر صورتله
رهبر اولملی یز.

ایشته بو امنیه درکه بزی لسانمک مکتسبات احتشامیه سندن بیله
فدا کارلرده بولمغه، تحسینات بدایع پرورانه مزنی آیاقلر الله آله رق
لسانک صوک درجه لرده ساده لشمسی فکرینه طرفدار ایدیور.
(صراط مستقیم) ده کی لسان نشریاتی هب بو مقصدی تأمین ایچوندی
فقط بی سود مناقشه لر اراسنده غایه ده هدر اولوب کیتدی.

شیمدی (مالا یدرک کله لایتک کله) اساسنه اتباع ایله باری